


928
4
10

陳迦陵文集

十





迦陵詞全集卷六

宜興陳維崧其年著

同邑徐喈鳳竹逸

海鹽彭孫通美門

日照李應薦愚庵

嘉定孫致彌愷似

中調

弟 維岳緯雲 參閱

宗石子萬

男履端

姪賜薛 校

臨江仙

偶作

憶在冶城公膝下圍棋年少知名石頭兒女本輕盈象牀  
春縱博珠裕夜彈箏 倏忽過江門第換中原飛渡群儉  
吳霜點鬢不勝情案頭無鬼論肘後淨名經

酬贈崇川陶月嶠

四十男兒方墜地家聲列戟風流翩翩挾彈少年游兄居  
長樂尉主尚富平侯詎料蹉跎空老大逢君楚尾吳頭  
酒闌話向北風愁無家徐僕射有淚白江州

詠竹夫人

孤竹君原稱苦節晚遺弱息江村夜涼薦寢暫承恩斑留  
江上點冷浸月中魂青女秋來休見妬此身自有根源  
化爲橫笛響夔門但憑關塞曲吹裂小龍孫

十載蕭蕭湘岸住梢烟惹雨參差如今枕畔露華滋身居  
清暑殿夢到竹郎祠琢就細腰水幾尺宵來御輦頻辭  
一生疎直許誰知霜砧來別院紈扇憶同時

春日過訪友人村居值其往郡題詞壁間而去

友人

城居爲  
余比隣

早起隔墻花弄影忽然空館相思隣家已換燕空飛許多  
惆悵事訴與落紅知百里烟航遙訪戴柴門鎖向春磯  
沉吟暗詠壁間詩徑開山以麓村在水之湄

二語友人  
門前自署

武塘贈錢巖燭

黃竹篙兒如雁叫西風直放江船櫓聲搖破鶴湖烟園林  
排水次甲第轟花前公子才華尤絕勝翩翩氣壓幽燕  
新詞脫手萬人傳暗香姜白石殘月柳屯田

贈柯翰周

玉樹三柯偏競秀枝枝黛色嶙峋一枝纔茁便凌雲車從  
新市出衣用異香薰此日相逢猶未晚當年真恨離羣  
狂歌莫問水犀軍好將腸斷句寫徧石榴裙

寒柳

自別西風憔悴甚東雲流水平橋并無黃葉伴飄飄亂鴉  
三四點愁坐話無膠雪壓西村茅舍重怕他楮柘同燒  
好畱蠻樣到春宵三眠明歲事重關小樓腰

七娘子 又一體

汲女

柴門之外清江曉兩三枝映竹天桃小鬪茗偏忙澆花趁  
早銅瓶翠綆深深抱汲餘閒數雙棲鳥坐晴磯紅上梨  
滑悄窳地許防有人低笑浣衣娘又盈盈到

蝶戀花

紀艷十首

劉氏三娘雙姊妹生小繁華家住鷄鳴埭梵字闌干花影

碎妝樓恰與春波對 兩小後堂曾博簃阿母簾前此日

教重會傳語翽風空至再蟬釵只靠秋千背 避人

簾外桐花閒弄影不便相辭悄語傳聲請猶自眉峯烟不

定避人奩內添宮餅 說道今宵天色冷且自畱停莫憾

獨兒醒珠斗爛斑斜又整人間第一消魂景 促坐

犀蒜銀釘紅玉榻小小簾櫳不與金堂接鬪草又慵彈阮

怯邀郎今夜拋金葉 百子枝花香粉浥郎是椿家好把

豪犀厭 音葉 小負紅潮生兩頰給郎博進惟榆筴 鬪葉

涼夜金銜天似洗打疊銀篝薰透吳綾被作劇消愁何計

是髻絲扶定相思子 對漾紅繩低復起明月光中亂捲

瀟湘水匿笑佳人聲不止檀奴小絆花陰裡 跳索

梔子簾前斟鵲腦隔著屏山愛聽銀箏好唱盡紅鹽人不

曉依稀記是蕭郎稿 偷得新聲三兩調 悄學春鶯唇綻  
櫻桃小銀蒜 輕搖郎到了 和羞吹滅蘭釭早 聽歌

亞字闌干花一朵 每到花朝春夢偏難妥 女伴相携爭婀娜

娜迷藏小捉妝樓左 鬢棗微鬆蟬翼鞞 怕有人窺輕合

黃金鎖戲罷 假人苔砌坐 日移交網花陰簸 迷藏

拂曉相逢花弄口 如此天寒何事清晨走 小院綠熊鋪褥

厚玉梅花下交三九 招入綉屏閒寫久 斜送橫波郎莫

衣單否袖裡 任郎沾寶獸 雕龍手壓描鸞手 圍爐

一帶紅墻剛六幅 忽聽簫聲欲斷還將續 知是東隣吹鳳

竹邀來教弄相思曲 風起落花紅簸簸 香唾猩絨小印

琅玕束故說 玉人吹未熟 明朝重到黃金屋 教簫

年少雙文能勸酒 笑折花枝今夜爲郎壽 紅燭厭厭籠翠

鈕飲深忘却春宵久 若下烏程春釀厚 却笑佳人腰似

三眠柳 明日綠紗窗外走 手搖屈戍妝成否 中酒

滿院姊歸啼 惻惻隔著中門 悵望游絲織訊 至方知娘小

極潛來小揭蜻蜓翼 怕響金梯行不得 半晌徘徊纔到

菱花側 立久微聞輕歎息 春陰簾外天如墨 潛來

### 春閨同周文夏賦

芳草萋萋人脉脉 綠遍東西不空南 和北滿院春晴無氣  
力海棠花下捱時刻 惆悵去年逢玉勒 酒市紅橋此際  
會相識 往事不堪重憶得 錫簫陣陣催寒食

### 春閨和漱玉詞

曉起春酥呵又凍 風捲西樓似怯紅 欄動欲倚自憐無與  
共和愁 况是纖腰重 花影看看移半縫 呆覷庭陰蹴損

鞋尖鳳莫怪難憑惟好夢鵲聲也把愁人弄

魏里錢爾斐先生向有四月蝶戀花戲字韻詞病  
中偶次其韻并索蘧庵珍百竹逸雲臣和

四月荆南山更翠山下人家都被嵐光膩南郭鶯聲纔滿  
市東隣榆筴還縋地 問訊茶園開也未穀雨過頭記起  
旗槍事自是茗柯饒實理酪奴水厄休相戲

四月荆南堪買醉雪片鱗魚觸網連湖起色鬪新鵝松粉  
細櫻紅笋綠玫瑰紫 更有尊羹纔下豉一瓊醺醺醉倒  
新沙嘴射虎屠龍非我事天晴且趁游蜂戲

四月荆南山雨至淅淅濛濛碧窻雙溪尾水檻科頭閒徙  
倚笛聲吹得波紋碎 小院日長惟好睡睡足揮毫自笑  
無新意滿幅詛神兼罵鬼先生慣以文爲戲

四月荆南春去矣點點花飛別我彈紅淚所幸東街連古  
寺木香鶯粟還堆砌 汲水澆花心暗喜小啜龍團管甚  
人間世上危巢探鶻子老來愛與群兒戲

四月荆南多賽會隔浦叢祠日日村巫醉午後棟花風乍  
起打門社首分鵝馘 一飽欣然無箇事走趁楊花飄蕩  
東村裡腰鼓盲詞隨處是分棚又看梨園戲

四月荆南桑柘美泥就蠶房雪淨無塵滓紅帖糊門多禁  
忌家家阿婦勞纖指 笑語小姑應夜起好事今冬早把  
衣裳備推却纜車佯不理小姑爲惱前言戲

四月荆南天着水濃淡溪山染做修蛾翠拂曉家童呼入  
市半籠携得舍桃至 一幅斜陽紅到寺新筍排槍數徧  
那能記浴佛人歸深逕裡鄰閨兒女燈前戲

四月荆南風景異乍雨還晴晴雨都無次欲認前村渾不似  
似茫茫萬頃黃雲膩一巷柴門誰夜閉打麥聲中隱隱  
獨兒吠酒辣餅香真足喜竈前搏黍添丁戲

五月詞仍用前韻

五月荆南梅雨至好貯天泉競滌空齋器豕腹龍頭堆滿  
砌庭前新改瓶甕肆濺沫傾珠差足喜亟喚樵青活火  
須先熾道是茶聲還不是依稀松鬣挈風戲

五月荆南饒好味筍脯茶油都上蛟橋市細切黃瓜涼欲  
噀厨香正熟長腰米飽飯風前貪美睡剥啄誰歎佳客  
催人起庫裡葛衣新歲質迎賓且學披裘戲

五月荆南花未已各色戎葵濃淡搖軒砌聞道街南花更  
麗殷勤乞取三升子待得明年栽滿地簇繡鋪茵便作

花城矣此是貧家真富貴人間富貴還如戲

五月荆南新漲至一片菱蘆總把川光翳閣外溪風來也  
未陰陰先作鏗鉤勢水郭漣漪逾十里買件簑衣走入  
漁翁隊日落笛聲篷背起封侯不換垂綸戲

五月荆南蒸濕翠墻脚苔生礎潤垣衣膩院靜日長沉水  
費曹騰兀坐思陳事憶看京江江萬里爛若銀盤倒插  
金山寺雪片崩濤飛彩幟妙高臺下龍舟戲

五月荆南佳節至角黍堆盤嫩綠窗前醉絳縷絲絲斜纏  
臂釵符顫罷簾痕碎五毒羅囊裙帶繫始信人生騎虎  
非難事折得海榴紅染袂蒲根鏤作葫蘆戲

五月荆南多酒會蜜蟹糟煙新自江船寄杏酪攪酥偏沁  
肺梔膏紅透冰甕內萬事蒼茫休問矣鋪啜吾生此舉

強人意閒看雨絲蛛網綴分明空裡穿珠戲  
五月荆南秧早蒔黃紙飛來溫語從天至見說東南民力  
做秋租減半明年事 比屋歡騰還雪涕只恐來年還似  
常年例我語村農休過計官家自古言無戲

六月詞再用前韵

六月荆南村貼水蒲葦成葦屋傍漁庄尾盍盍野風波面  
起湖梢直灌橋門裡 白髮老翁無個事掩罷柴扉選塊  
陰涼地招手老妻牽稚子團團聽話隋唐戲

六月荆南天似醉雨嫩如無恰又吹來細羸得遙山都欲  
睡模糊失却青螺髻 簷溜漸刪刪不已忽見中庭一縷  
晴虹起那禁群兒爭笑指碧翁也着斑斕戲

六月荆南蒸暑氣過了梅天市上無兼味白小黃魚稀少

至老饕鎮日涎垂地 紅糯新炊淘菟滓現醬葵羹也自  
饒風致鼓腹陶然吾足矣瓜棚之下閒游戲

六月荆南閒也未一月停忙暫緩官糧比聞道開徵今日  
始新絲賣了來城市 不信何花名茉莉却與農家白苧  
花相類笑煞長橋橋上子市兒慣取村兒戲

六月荆南多水市鞋樣涼船柳樹根頭簾菱白菱紅排沈  
尾漁翁又糶鷄頭米 一望風荷兼雨菱纔見錢錢又早

田田矣剥罷蓮蓬何處使按來做箇人兒戲小兒剥蓮蓬以線縛之反

裘振袂儼然老翁名蓮蓬人兒

六月荆南蟬早沸做暝連陰夏已賒秋意莫謂晚涼饒爽  
致田禾最怕床頭被六月諺云床上蓋了被田中無了米 長日經營無好

計枕上詩成記又無頭尾且拾厨中青鴨子糊他一盞螢

燈戲

六月荆南人早起倚閣看雲雲氣朝朝異天矯軒騰兼蔚  
跂火雲燒却銅峯翠 蜃國那須誇海市換狗更衣反覆  
須臾耳若問世間還勝此天公聊學人情戲

六月荆南門屢閉壁上烏巾挂着多時矣客到蕉窗時一  
啟不迎不送貪徒跣 問我新編今有幾叩首主臣夜火  
燒殘矣消夏祇餘詞一紙君休哂我篇篇戲

夏日睡起卽事

幾日戎葵堦下長烟膩吳天難得心情爽風裊茶烟斜翠  
幌燕雛爭把香泥搶 窗小綠陰偏簸蕩夢覺循牆暗地  
間來往誰打樓前銅砌響熟梅自落中門上

本意

記在綉裙親見汝深院潛行驀又花間遇綴綠粘紅無定  
處濛濛撲徧東園路 艷粉退來還幾度天若多情休遣  
春光暮拆了鞦韆飛却絮成團滾過牆頭去

咏水仙花

小小哥窵涼似雪插一瓶烟不辨花和葉碧暈檀痕姿態  
別東風悄把瓊酥捻 灑瀲空濛天水接千頃烟波羅襪  
行來怯昨夜洞庭初上月含情獨對姮娥說

清明同諸子集原白齋中

柳線黃時雛燕乳爲揀芹泥掠盡廉纖雨今日風光剛百  
五新晴鬪煞新粧嫵 須聽尊前喧畫鼓照眼花枝負了  
卿何苦不信試看風起處亂紅砌滿春歸路

後庭宴

春日同仲震過譙巖先生齋看牡丹

齊名  
壺天

天寶名花蓬萊新築君家最有仙家福洛陽千里錦年光  
攝來都向壺中縮 盈盈複磴迴廊裊裊嬌絲脆竹綠窗  
低唱換了華清曲歷亂夜燈紅被簾風小蹴

一剪梅

吳門客舍初度作

風打孤鴻浪打鷗四十揚州五十蘇州半生習氣破除休  
少日倡樓老去僧樓 故壘蕭蕭蘆荻秋說甚曹劉只美  
孫劉鱗諸巷內且淹留烽火邊愁風雪羈愁

七夕由虞城渡河至單縣

客裡流光迅逝波五日纔過七夕將過殊鄉令節巧蹉跎  
星渡銀河人渡黃河 劇憐良夜不如他天上情多地上

離多紅閨兩地感愁蛾大婦停梭小婦停梭

釵頭鳳

艷情

薔薇罽鞦韆架中門闔鎖聲纔罷銀墻側銅屏直記來約  
畧行來疑惑黑黑黑 幽窗下紅燈射夜闌綠水昏如畫  
花紋榻玲瓏極剪刀尚響冠兒未摘嚇嚇嚇

和蘧庵先生詞用原韻

琢月手談天口胸中雲夢吞須九寧遊戲非文字問他作  
者幾人曾會未未未 情絲鏤啼珠溜斷腸怕學屯田柳  
羞溱洧翻清徵笛吹江閣帆騎峽水似似似

朝玉階

冬日過惠山下一梅亭

曲徑斜橋澗影迤空山亭子好趁閒過小軒颺水似殘荷  
石欄經雨澁遍青莎短墻叢竹受風多一聲漁磬香濕  
烟簑黃梅着色鬪新鵝折來堪作供佛頭螺

唐多令

春愁

蟬鬢隔花陰香肌壓翠衾風前一笑擲千金記得那時明  
月底剛半線露丹襟銀鑰杳沉沉朱樓阻信音流鶯啼  
破綠窗深清淚未彈紅淚滴流不了到如今

廣陵上已

板渚柳枝橫津樓酒旆輕舊繁華猶記蕪城正是穠春逢  
上已多少事麗人行年少愛風情紅粧識姓名杜紫微  
此地曾經今日鬢絲真老大和燕子語平生

夜飲紀事

無夢覓封侯隨緣做浪游儘顛狂錦瑟紅篝聽得關山剛  
入破重惹起半生愁心事付沙鷗閒身伴杜秋問乾坤  
何地埋憂月到五更還未落人倚在水明樓

重九後食蟹半醉作

無菊底須愁桂花香正幽與諸君且築糟丘不記昨宵重  
九節風雨裡怕登樓半醉睨吳鉤吾生行且休任古來  
割據孫劉龍額岸頭渾不羨偏只愛內黃侯

蟹各內黃侯

擁被

早漏減銀虬新寒警畫樓漾呆恩紅日驚眸幄裡餘溫猶  
可戀纔欲起又還休花好懶擡頭簾垂怕上鈎惱簷前  
鬧雀喧鳩護惜衾窩留夢在莫捲去半床愁

春暮半塘小泊

水榭枕官河朱欄倚粉娥記早春欄畔曾過關着綠紗窗  
一扇吹鈿笛是伊麼無語注橫波裙花信手搓悵年光  
一在蹉跎賣了杏花挑了菜春縱好已無多

攤破醜奴兒

紀艷

隔簾按碎相思苴斜著烏雲漾著紅巾嫋嫋亭亭一段春  
是耶難道是昨宵人 戟門闔却歲粧鎖花氣氤氳月色  
繽紛墻角猶兒吠夜分非耶誰道是昨宵人

繫裙腰

咏裙

滿園草色綠迢迢都吹上小裙腰棲鸞宿蝶風流甚暗暈

紅潮輕颺處彌垂髻 有時沉在簾兒底依稀微露輕綃  
隔花繡帶無風轉淺立春宵想應拂徧落梅嬌

明月逐人來

惠山山麓謁睢陽祠

壞廊徑仄哀湍響激松杉外層層夜色悲歌南八箭着浮  
圖甃鐵像賀蘭苔澁 斟得一杯黛瀋幾甌茗汁依稀見  
雲旗下食恰逢泓底龍嘯潭風急又認戍樓聞笛

贊成功

憶梁園客夏避暑開元寺南湖草堂與徐恭士宋

牧仲家亦人別駕子萬四舍弟僧雪笠日夕談  
讌別來遂及一載詞以誌憶

好風涼夜新月疎桐一年前事尚濛濛記曾避暑梁孝園

中野塘水碧古寺牆紅 溪友詞客雨笛霜蓬弄人衫子  
釣絲風別來一載憔悴江東南湖魚鳥定也憐儂

似娘兒

舟過婁門卽事

渡口綠簑斜繞子城碧浪周遮誰知我是玄真子賣錫天  
氣憑橈心事蕩槳生涯 水面小窗紗響棖棖誰摘琵琶  
東風似夢回頭望絕無人影粉牆之內一樹桃花

迦陵詞全集卷六終

迦陵詞全集卷七

宜興陳維崧其年著

合肥龔士禎伯通

安丘曹貞吉實庵

無錫嚴繩孫蓀友

宣城沈 埏公厚

青杏兒

本意

六尺小簾漪交網外杏子纍纍流光暗換無人覺纔看綠  
綻俄驚茜透忽訝黃垂 回首憶芳菲記二月花正開時  
勻圓擬把筠籃摘怪他牆上誰家颺過紅書竿兒

定風波

弟 維岳緯雲 叅閱

宗石子萬

男履端

姪賜薛 校

懷潁川劉公猷記與茂之公猷小飲紅橋幾一年矣故有此作

昨歲行歌古竹西廣陵三月柳綿飛誰更扶筇郊外走林叟開元遺事說依稀時序颺流驚又換春半風光雖似舊游非綠到江南清潁尾春水潺湲好爲寄相思

贈牧仲歌兒阿陸

蝴蝶成團榆筴飛輕狂恰稱五銖衣若問年華剛幾許數數晚峯十二正愁時莫道梁園非故土且住得人怜處不須歸閒控郎君堂後馬偷跨陸郎從古愛斑駁斑駁陸郎係樂府中語

又贈歌兒阿增

持底尊前贈阿增濃纖一幅繚紅綾上寫蠅頭無數字須

記千絲萬縷意層層好向歌樓并舞院常見細腰束罷怕難勝莫到春街閒賭戲輕棄他年知否憶來曾

紫薇花

一樹瞳矓炤畫梁蓮衣相映闌紅粧纔試麻姑織烏爪裏裏無風嬌影自輕颺紫薇樹以指爪搖之則無風而動誰凭玉闌干細

語爾汝檀郎原自紫薇郎聞道花紅無百日難得笑他團

扇怕秋涼

九來半繭園東偏爲余新闢一浴室解衣盤礴致

甚適也詞以紀之

身是荆南白鷺群拍波只愛絮紛紛自笑此生饒水癖爲客那能長弄畫溪雲竹徑粉牆泉又冽清絕人間何處有塵氛浴罷篔簹痕冰雪做閒臥快吹長笛送斜曛

商丘城外二十里曰水墅舖此地白蓮花最盛綿  
亘數十畝予友侯叔岱家焉常坐我花際詞以  
懷之

記故人家在水墅之東荷十里白濛濛想兔園殘雪尚綴  
藕塘中偏作態將膩粉換香紅 花隱約月朦朧此身疑  
在廣寒宮筭最難忘得雨幔烟篷今何夕人悵望水連空

芭蕉雨

咏秋雨

似夢如塵淅淅乍無還乍有何時歇夜永三更將絕正值  
曲巷砧鳴頽牆蛩咽 陣陣羅衾涼徹愁共小屏摺篷白  
雁北來和人說說道漢寢唐陵今夜雨灑丹楓盡流紅血  
春雨

輕煖輕寒時節東風將柳絮搓香雪暗惹翠蛾千結絕似  
細雨紅橋情人乍別 綠窗花影半摺待折未曾折儘草  
上輕狂雙黃蝶亂撲着雨和烟攪得今歲韶光不成三月

驟雨

日午絳雲烘墨渴烏偏掉尾威胡赫一霎溪風涼激誰取  
十萬冰絃輓來霹靂 急雨琤琮裂帛萬瓦戰金鐵轟餘  
怒猶思壞墻壁此際白苧涼衫獨上快閣臨風鬚如瑠磲

輓繡毬

紀游

淡蕩刺梅園被紫鸞成團勾去雜花眠砌雛鶯梳院赤欄  
銀井想經昨夜一場新雨 門外天寒如許小樓上有人  
知否斷無消息可勝惆悵兩層門內惟聞絃響棖棖不住

品令

夏夜

夜色涼千頃，攜笛簾依金井。轆轤清冷，一天松籟半規晶。  
餅慢瀉流光，漸映素蕤綠茗。微茫杳冥，水廊外風荷整。  
闌干碎拍，舊游何處。瑤京路永，簸滿空庭，簾影樹影鬢影。  
酷相思

冬日行彰德衛輝諸處馬上作

趙北燕南多驛路，見一帶霜紅樹。又天外亂山青可數。叢  
臺也知何處，雀臺也知何處。一鞭裊裊臨官渡。雁叫酸  
如雨，儘古往今來，誇割據。漳水也東流去，淇水也東流去。

淡黃柳

道院中見黃木香詞以咏之

蜂黃褪了，爭上枝頭簇嫩蕊。成叢蒙澗竹，覆徧書窗小屋。  
揉入紅槽碎，珠續壓醅熟。蕭疎亂秋菊，引柔蔓、暗香觸。  
月昏黃，料爾傷幽獨。折上鍊師通明冠子，雅稱厭禳粧束。

玉梅令

南耕所葺書舍顏曰梅廬，昨始移得古梅一株，遽  
以誇我走筆戲柬

舊管梅舍不見些梅也，今朝真見梅精嫁。看蘚鋪鐵鬣，并  
石繡銅柯，黛色成圍濤聲暗瀉。癖處疑顛狂來相詫說，  
此樂甚於僕射。撚橫枝微嗅，何必待花開香已在枕稜窗  
罅。

同雲臣諸子過放庵禪院看梅時積雨新霽

禪房甚綺，有粉英嬌倚。連宵雨，幾枝臨水，恰小停響。展簾

隙已微紅紗窗日影頓添半指 茶鎗酒竈都饒各理只  
軒外怕東風起囑成團香雪休去舞春城須片片墮金尊  
裡

錦纏道

將發玉峰寄緯雲弟村居

老去江東拚向漁樵寄傲問何爲衝炎席帽年年作苦雜  
傭保赤日紅塵怕相嘲程曉 想西溪草堂雨杉烟篠傍  
苔陰置筆床茶竈晚涼濯足歛湖恰估船笛響風定菱絲  
裊

冬日溪行

紅葉攢天烘得柴門如醉板橋南昏鴉成隊遙村界得寒  
林碎一派疎簷更繞遙村背 夕炤炫紅黃半陂明晦且

碓 停船荻花以內被沙禽喚起西風激千層銀沫亂把晴磯

厭金杯

戲咏螢燈

小似香囊空於湘水映疎螢紗痕逾翠墨花幾幅面面小  
徐熙涼夜戲茉莉梢頭輕綴 頻吹難滅不別長鮮耿耿  
處無情有思樓昏月黑嫌煞燭籠明水簾底窺見一星星  
事

垂絲釣

戲咏貓

房櫳瀟灑狸奴嬉戲簷下睡熟蝶裙兒縐綃衩梅已謝撒  
粉英一把將伊惹 正風光艷冶尋春逐隊小樓窺響鴛

瓦花嬌柳妖向畫廊眠藉低撼輕紅架鸚鵡怕喚玉郎悄  
打

行香子

爲李武曾題扇上美人同弟緯雲賦

烟樣羅裯月樣銀鈎人立處風景全幽誰將紈扇細寫風  
流有一分水一分墨一分愁 天街似水迢迢涼夜十年  
前事上心頭雙飄裙帶曾伴新秋在那家庭那家院那家  
樓

同帖雲上人魯望弟過徐氏園亭

礪石支泉架壑招烟小橋外老屋斜川潔何忍唾靜欲成  
眠恰半欄花數陂竹一湖蓮 距村背郭嶒泓蕭瑟似蝸  
廬又似漁船無冬無夏非陌非阡儘晝呼盧朝說劍夜鳴

絃

迴舟卽事

紅樹槎枒綠水周遮盪舟迴水驛烟斜一樽似夢萬事如  
麻歎吾衰也行不得住爲佳 極天烽火依然此地小樓  
前人戴黃花船頭側聽不是悲笳是前溪口新月底撥琵琶

青玉案

咏糟鱉

春醒未析三更後橙片切菹絲糝食品厨娘偏解鬪滑應  
疑盃鬆難勝齒幾瓣嫣紅透 金刀小向霜天剖越襯出  
春纖消瘦捧處紅糟先欲溜小姬無語老鸞狂叫把與梅  
同嗅

咏油車螯

擊鮮海錯金盤瀉絕稱是春寒夜輕點吳酸魂已化和酥  
爲滷帶脂成釀二月花前榨生平斫鱸兼行炙枉行遍  
屠門蟹舍風味似伊休論價差宜下酒雅堪鬪茗携向江  
南詫

咏醉白蝦

半籠春水溶如鏡早傾向金盤淨一片空明嬌掩映霜鬢  
半呷雪肌半挺似帶春醒病尋常蝦菜空相競誰解得  
高陽心性細憶風姿心自省十分酒氣三分生氣羞與侯  
鯖並

移寓積翠閣用藝香詞韻

梯空架就羊腸路領俊鶻穿烟去牕豁正當山破處天風

湏洞吹完今古只剩龍窩住松毛純碧騰猩鼠下嵌寒  
潭瘦蛟舞老樹得風都作語半床泉氣一簾山霧晴晝家  
家雨

夏日懷燕市葡萄

風窗冰椀誰消暑記百顆堆盤處掬罷盈盈嬌欲語輕明  
晶透芳鮮圓綻小摘西山雨長安萬事俱塵土惟有高  
情難忘汝暗想風姿奚似許爽疑燕筑醇如刁酒滑類華  
清乳

雁字

未乾墨蹟遙天外閒付與斜陽曬狂掃八分臨阿買頰紅  
霞尾蔚藍天色好幅烏絲界年年未了銜蘆債入塞幾  
時還出塞盤作擘窠鬚作蠶憑誰偷做十三行帖寫上銀

箏背

鳳凰閣

元夕後一日同雲臣放庵過安樂禪院

枉東風費力陌頭飄掠無燈何處好吹落獨有一枝梅蕊  
春意先覺且步過寺橋溪閣一聲幽磬香氣暗縈林薄  
寺門小立盼寥廓流水外遠山尖積雪埋却甚日觀翠螺  
如削

汴京夜雨

被西風送到東京更鼓又添隔巷數聲杵暗想半生淪落  
廿載羈旅總不比今番淒楚朦朧枕畔不斷吳娘鳴櫓  
醒來有甚好心緒人瘦也怪黃花瘦也如許滴不了秋簷  
夜雨

虎丘喜遇侯記原大年

記摘船吟雨倚樓題柳樊川水榭暫携手一自消魂賦別  
幾度回首沈家令帶圍較瘦帽簷微側斟酌橋邊間走  
故人忽遇半塘口知尹綠小軒前叢桂開久却底事還眠  
虎阜

尹綠和園  
中軒名

記赴過江船遠帆疑豆北固喧  
厓怒濤吼江山如此消得  
幾場詩酒舉杯遙酌取黃公覆  
水雲繆葛陽陰雜糅奇  
石成獅破空走竹林僧老坐我  
秋林間畫半枝叩竹杖如  
人瘦

記在百泉山盤渦漩洑雜佩叢  
鈴暗相觸礪花如雪了了  
遙明山屋蘇門蒸彩翠添銀瀑  
誰家園子沿流嵌麓晚  
飯家家襲湘竹流連河朔此地  
從無三伏中原生爽籟天  
新沐

記在玉河橋天街無賴被酒狂  
歌禁門外蒲桃晶透選取  
招涼珠賽冷螢流殿瓦水初賣  
倦聽太液蟬聲一派想  
像宸游甚時再飄紅墜粉鳳  
舸經秋都壞燕丹門下客皆  
安在

記在魯蒙陰霜楓濃淡疊巘層  
崖幻蒼紺秋生海市紅日  
一輪孤陷晚涼催卸馱投關店  
雲迷石匱烟零玉檢翠  
羽金支半明暗秦松西笑華  
掌碧蓮初染齊州青八九纔  
如點

記在湧金門冷雲成畫落月高  
樓水明夜伴狂脫帽行到  
宋諸陵下碧羊纏石蘚眠官野  
一湖蓮葉半城樵舍西  
子嫣然晚粧罷隔江雪浪隱  
隱天風檣馬狂思橫萬弩迎  
潮射

天仙子

贈寒松和尚同雲臣賦

和尚曾駐錫善  
權今掩關北郭

玉洞銀樓垂碧乳夜夜老猿吟  
冷樹山僧興到愛溪山飛  
錫住浮杯渡結箇茆庵山下路  
塵界茫茫無定據雪裡

飛鴻風裡絮山僧與盡別溪山一笑去誰回顧明月滿山  
無覓處

書周我成先生旅歎賦後

先生少年時曾赴馬貴陽之讌酒酣罵座竟以

此賈門

戶禍

輦上列侯開夜讌年少揮鞭奔赤電酒酣奪得紫檀槽  
綉幔人驚散裂却當筵丞相面門戶凋殘風物換白髮  
漸離誰作伴荒江破屋譜牢愁游俠傳無家歎月底栖烏  
聲歷亂

婦人嬌

早過友人齋頭書所見

庭院清清漾起捲簾風大簾底露粉郎閒坐消停半晌又  
遷逾橫臥無甚事吹得小池萍破曲本慵翻歌場懶作

綠莎上戲將錢鏹慣尋人事却嗔人真箇喚不應走弄菊  
花殘朶

閒况

屋對晴山黛影離離爭泣山梅瘦遞香窗眼細煎綠雪注  
乳花盈椀隱几坐箋竟黃庭下卷飼鶴斜橋聽鶯空館  
更相邀兩三狂狷看雲選石趁閒身尚健此外事付與天  
公總管

竹逸齋頭紫牡丹一本濃艷異常開日竹逸每約

同人流連竟夕今歲花時竹逸越游未返不獲

一至花下詞以寫懷

記得君家踈地垂楊低驪更紫艷臨風千朶每逢花發綠  
窗邊有我與兩三禪侶詞人閒坐今歲吳天君浮越舸

壓烟江一帆斜簸家園春景說依然婀娜無人處一樹濃  
香深鎖

晚浴

幾陣蟬嘶趁了一枝花影簾底下井華水冷綃裳乍解更  
紅酥寒凝似素藕浸勾碧湖千頃浴罷凭闌晚粧慵整  
且消受涼花綠茗盈盈皓月漸低窺金井又畫就深院夜  
香風景

佳人醉

梁谿道中積雨乍霽

一夜春蓬浙瀝聲亂樵歌浦笛正吳娘櫓撥參差水面夜  
景如墨鷄喚津橋夢醒恰何來新霽穿橋隙推窗起坐  
九點龍峯遙蒼煖翠迎着空舸滴吟情劇吮毫微笑一片

晴村歷歷

江城子

戲寫姬人領巾

石頭城下小蕭娘眼波長鬢雲光少小隨耶飄泊到睢陽  
恰遇游梁病司馬剛一笑結鴛鴦曉寒呵手點梅粧雪  
輕颺怕開箱只是新年郎又渡春江且把木瓜還漬粉歆  
枕待到秋涼

題鄒九揖像

昔年同學半吳中飲千鐘筆如風釵館毬門脫帽夜過從  
看到江南紅豆熟分散了各西東年來汝客晉陽宮草  
粘空沒孤鴻落照壺關匹馬弔英雄一笑畫師真鶻突偏  
畫汝做衰翁

石榴

茜裙提出錦箱中向花叢鬪嬌容裙影花光都到十分濃  
記得夜涼低壓髻偏愛把綠雲籠如今朱實畫簷東亂  
薰風綴晴空極望纍纍高下綻房櫳欲摘又憐多子甚相  
對笑瓠犀紅

秋懷

商飈颯沓響高天  
騫雕弦散空烟蕩樾搖林一夜透吳關  
恰值角鷹西極到側腦視色蒼然野夫江閣撥書眠笛  
聲圓倚闌干那管草間狐兔劇喧闐且擺掀頭船一隻蒲  
葦裡釣秋鱸

鮑讓侯載酒汎舟同于皇仲震商原佩紱家弟曾  
望小泊城南諸寺紀所見

西風脫葉響高天酒如泉發狂顛暮遇嬌紅澹粉佛堂邊  
恰似濕雲欹一朵扶不定竹欄前老夫側帽興翩然晚  
粧鮮屨痕圓何事匆匆又上菊花船市火風簾十萬戶人  
不見水成烟

春雨新晴過吳城西禪寺登摩利支天閣同澹心

園次雲臣南水賦

連宵怯雨思難裁鵲聲催曙光開且逐晴絲蕩漾繞城隈  
我比晴絲還更懶風送我轉徘徊千尋佛閣倚崔巍眺  
胥臺漫生哀閣外遙山幅幅疊春苔爭學諸天螺髻樣青  
萬朵逼窗來

郊游卽事

心情早起太聊蕭出晴郊涉蘭臯雲水茫茫不認路條條

只揀暗香深處去還趁着賣餠簫 春流碧到第三橋野  
梅嬌綻籬腰何處絲楊和了酒旗飄遙望前村偏隔水亟  
喚箇小船搖

秋日同雪笠家弟子萬過恭士南郊書舍

開元寺外水雲寬竹檀欒岸嶺岢晴翠飛來濕透幾曾乾  
碧碧黃黃都滴向籬落外遠林攤 茅堂恰對此中安荻  
花灘菊花闌長晝携僧同註馬蹄篇忽見荒城蒼鐵色百  
戰後箭成瘢

沙隨感舊

思量往事極分明小徐卿昵雲英蕭寺幽窗檀板勸銀甕  
兩小一雙描不盡紅燭下態盈盈 西風捲去隔年情寺  
鐘鳴記前生落葉中原恰又趨離程淡月曉風昏似夢和

淚也出層城

小桃紅

如臯冒天季自署信天翁向予索詞因有此贈每

句中俱暗用禽言及鳥名

得過還須過

得過且過禽言

力作

力作禽言

說甚餅焦

餅焦禽言

管他泥滑

泥滑滑禽言

且圖着火

摘箬着禽言

任隴山秦吉了

鳥名

聰明好曹騰些個

姑惡禽言

誰能那急急歸

急急歸禽言

休

錯提罷葫蘆

提葫蘆禽言

世間那有鳳凰如我

鳳凰不如我禽言

歎

連朝行不得哥哥

行不得哥哥禽言

信天翁

鳥名

且坐

月上海棠

游顧龍山

山在金沙城外相傳明太祖曾駐蹕此山

一拳小結青蓮瓣有離離金剎鋪烟阪聞說當年翠華巡

朱旗暗卷殘碑在，搖落空捫苔蘚。京江北固千秋顯，傍南朝易惹傷春眼。何似埋名，却依然丹崖蒼巘。春花落鶯囀，空山齋館。

歸田樂引

題王石谷晴郊散牧圖

散牧涼秋月，或樹根痒而摩者，或飲寒湫窟渡者，人立者，蹄者，鳴者，喜則相濡，怒相齟。矜秋露毛骨，叩首森然如陵闕。綠崖被坂，虧蔽滿林樾。馳一塞馬，七豕牛羊百三十。牧笛一聲日西沒。第十五句多二字

題春郊禊飲圖

粉墨真瀟灑，綠楊天樓臺。金碧陣陣，湔裙社枰也。茗椀也，竹也，絲也，掩映花叢柳綿下。風簾烟際，挂牆裡鶯啼，鞦韆架抱琴童子，穿過春山，罅詠者立，飲者奕者，謳者一幅龍眠西園畫。

西施

廣陵某宅歌姬有旦色，演西施者，色藝雙絕，比再過其主人已逝，此姬亦適人矣。悵惋久之，爲賦此闕。

偶然小駐卓金車，聽曲傍簾紗。司空筵上十隊拍紅牙，就裡雙鬟不肯施。鉛粉一縷髻堆鴉。三年重到蕪城路，空流落可憐花。銀墻綠柳愁煞那人家。他日江船倘遇啼衫客，休輕撥琵琶。

玉峯公讌席上贈施校書

半街絲柳帶烟拖，深巷入官河。畫船銀燭，趙李夜經過。聞

說蟲娘新自茸城到喚取奏清歌  
闌花簌簌聞歌落重  
趁拍小婆娑地衣翠滑扶不穩鸞靴嫌煞流鶯偏在東風  
底學唱定風波

千秋歲

壽栢鄉魏相國

黑頭台鼎畫戟牙門整文筆健風裁正芙蓉丞相府屈軼  
中書令論事業從來魏自同於丙  
北斗斜珠柄南苑陳  
金鏡司馬相臣民慶明堂朝玉帛太廟編鐘磬魚水樂千  
秋不數貞觀盛

沙堤隱隱直接丹霄近臣稷契君堯舜天留黃閣老月炤  
頭廳印還說道秋期今日懸弧準  
簾外涼颺緊堦下新  
桐引仙醞熟宮袍俊地居卿貳上骨帶神仙分齊獻祝恒

山蒼翠堆千寸

咏紙鳶

翩翩自喜跌宕青天裡麥鐵杖鳶肩子盤空箏夜叫削草  
鷹秋起輕俊也一場搬弄真兒戲  
三十年前事觸着難  
忘記楊花港桃花寺隣童誰更在老眼頻經此重拈看原  
來依舊情如紙

摩空決起此事偶然耳材最小風偏利輕狂應有恨浩蕩  
憑誰致須記取青春牢把長繩繫  
已自飛騰遂也筭雲  
霄器莫浪語休私喜送來天上便望向城頭悸真險着老  
夫只合街頭睡

滄州戴浴扶以人日懸弧作詞以贈

新鷹決背已作摩空勢筆陣快詞鋒銳温那何足道燕許

真同輩才八斗綵毫人是青雲器 鸚鵡君家事三禮箋  
完未才地盛門風貴新春歡七日小令歌千歲微醉也斜  
飛玉燕東風細

離亭燕

雨中將發梁溪雲臣拉起竹逸齋頭看梅小飲數  
巡匆匆判袂升臚若失悵賦小詞

花妮行人小惹鶯怪行人低罵正值小樓開似雪抵死只  
將帆挂粉淚臉邊明脉脉含情待話 囑付梅清月寡暫  
耐雨婚煙嫁此去春江帆正滿路隔纜踰一舍待汎惠泉  
歸相賞水邊籬下

于飛樂

鴛鴦

彩翼文禽一生睡煥漣漪葡萄春漲初齊度朱欄穿綠浪  
做弄葳蕤畫樓低處金塘好漾盡紅衣 孔雀樓頭錦鷄  
關上讓他毛羽芳菲惹黃鶯和乳鴨妬爾雙栖生憎杜宇  
東風裡只向人啼

隔簾聽

聽舊家歌伎隔牆度曲

十載畫樓烟月凝想歸何處黃紵新作瑤妃侶悵碧海茫  
茫瓊樓清苦無一語掩紗窗低籠雁柱將情訴 粧樓一  
所紅粉牆圍住歌聲偏透紅牆去想他牆內新愁萬縷伊  
知否隔牆一般悽楚

師師令

席上同雲臣咏雛姬

詞話卷八  
九  
勻紅剔翠擲星眸斜賣春嬌尚未忒玲瓏却已會三分無  
賴笑匿花叢衫影在怨風吹羅帶 銀箏研緊鷄鳴快做  
殢人情態玉船頻到只推辭道酒病昨宵會害按碎紅梅  
庭下灑罵粉郎心壞

汴京訪李師師故巷

宣和天子愛微行坊市有人潛隱小屏紅低唱道香橙纖  
指夜半無人鶯語脆正綠窗風細 如今往事消沉矣悵  
暮雲千里含情試問舊倡樓奈門巷條條相似頭白居易  
隨意指道斜陽邊是

隔浦蓮近拍

飲小三吾亭前古梅下

全朝穠春天氣袷服爲佳耳人在梅根冷暗香疎影迢遞

詞話卷八  
九  
瓊內紅生杯中綠汎小吸宜城蟻消魂死 那人蛾綠料  
應玉貌如此難憑春驛折寄一枝千里橫笛誰吹東風起  
生怕玉鱗飛著春水

夏日村居

空村如澣靜悄不用鄰翁掃水柵層聲響沙映水逾瀟照  
傍岸松半老閑來靠漫理晴江釣釣絲裊 涼颺暗襲得  
風叢竹都笑帆投極浦兀兀櫓聲將杳興倦收綸起荷蓀  
恰好窺人一點月小

暮秋江上偶步萬佛林卽黃介子先生舊宅

西風吹響古木亂葉埋僧屋畧約鋪蒼蘚攀樹瘦穿崖腹  
江郭圍楓榭登山麓遙望銀濤轟駭心目水王珣池館沙  
鷗浦鴨爭浴一聲齋磬彷彿雨淋鈴曲踏徧繚垣尋斷鏃

茶熟老僧帶暝歸獨

夏日寓吳門花溪草堂與西滇夾水而居賦示西

滇

玲瓏雲水幾處借我閒消暑掠檻沙鷗過潭香觸碎成雨  
千頃風荷舉紅粧嫵細蒨中心苦最憐汝披襟脫帽新  
涼隨意舉取松風細響綠雪暗翻花乳林際濛濛皓月吐  
四鼓隔波尙有人語

賞荷同南耕緯雲賦

空明雲水浩淼渚瀨叢幽篠綠淨誰能唾瓊奩啟簾漪悄  
啁晰騰翠鳥菱潭窈紅藕花開了數枝裊蓮娃極浦羅  
裙爭盪清曉盈盈翠榜烟舸競將紅鬧摘得荷房縹蒨小  
月皎兀波柔櫓聲杳

傳言玉女

雨中舟次吳閫不及過晤園次同緯雲子萬寄懷  
記得尋君纔過匆匆燈市伯通橋下挽征衫且憇垂柳幾  
樹臨別倚欄斜指再來看汝定鵝黃矣柳已鵝黃擷頭  
船恰又至滿船絲雨捲春簑困睡微茫驛樓料想水城將  
閉知他花下已應微醉

舟經懷遠訪凌道一

半載繁臺憶殺別來秋水今朝重見喜碧猶如此無數笳  
箸零亂烟橋夜市估船夾岸鄉愁千里聞道君家在街  
頭黃葉裡情親小話喚篙師暫艤崢泓淡沲隱隱江樓笛  
起關山一望何其明綺

百媚娘

春日憶洛下舊游

草把裙兒腰比花與臉兒潮似恰聽枝頭鶯語滑眉逗一  
絲新喜聞說酒旗歌板地多少嬉游子憶在洛橋晴市  
又向洧川烟淡一斛柳綿飄不定撲着車如流水無數鞦  
韆墻角裡天半紅繩起

送晦仙校書落籍次友人韻

日午鶯猶貪夢風定花誰搖弄聞說長條新有主縱與纏  
綿何用雖不干卿愁却種嬾把春鉤送夾路香塵將動  
一曲紅綃權奉從此真成千里隔只有月明相共戲語小  
樓燕赤鳳掌舞休嫌重

暗用飛燕故事校書徵豐故戲之

剔銀燈

佛手柑不至詞以寄慨

記得常年此際風送闌天柑子珠船帆輕花洋浪細香徧  
吳頭楚尾武夷仙使向縹緲鯉湖傳至詎料巖關笳吹  
竟隔千山萬水天竺烟深潮音月落今日不知何世匆匆  
彈指都不道江山如此

春景

陣陣蘭情水意隊隊描朱刷翠小巷蘼蕪斜街皂筴都被  
雨酥烟膩東風多致簸弄做賣餚天氣莫負年光韶媚  
早辦漁樵家計故國繁華前生詩酒身似潯陽江伎且拚  
沉醉做蝴蝶向花間睡

燈節前一日雨中雲臣招同楨百大士雪持集飲

蝶庵卽事

記得昇平佳麗此夜是上元天氣圓月打頭暗塵隨馬陣

陣梅邊水際茜裙珠髻喧笑處香街聲沸  
今歲冷清清  
地未晚禁城先閉一盞燈昏千家門掩釀就春寒恁細雨  
絲飄砌展幾疊小屏圖醉

解蹀躞

夜行滎陽道中

峽劈成臯古郡人雜猿猱過斷崖怒走蒼龍立而臥此乃  
廣武山乎噫噓古戰場哉悲來無那卸鞍坐烟竹吹來  
入破一林纖月墮雁聲不歇砧聲又攙和歷歷五點三更  
馬前漸逼滎陽城頭燈火

秋雨夜宿田舍

森森孤村斷壠只浪花翻舞疎檠自綠茅簷伴人住休問  
紅糯黃梁總舉菰米菱絲濕烟難煮夜將曙白項鴉啼

棠樹樹西近官路叢叢古廟老巫擊銅鼓敢伴今歲西成  
祇祈暫歇床頭淙淙秋雨

下水船

暮次丹陽宿周丹申齋中同湯谷賓夜話

風吼凌亭樹暝黑難投逆旅徑詣君家呼酒喃喃爾汝此  
間路一派濤轟沙莽幾陣烟凄風苦凭欄顧霸氣荒終  
古笑問寄奴何處若爲吾歌吾爲若拍張舞天將曙起掃  
車箱冰花爭火僕夫寒語

碧牡丹

本意

牡丹鮮碧者向在鄆  
陵會見之追賦是詞

隔葉尋難着勝玉樹欺紅藥縹色衣裳睡熟沉香亭角一  
朶雲鬟被雨梳風掠趁花容驪烟萼柳陰薄色向苔錢

落波痕皺眉痕弱鸚鵡籠中也整綠衣偷學一別名花悵  
碧雲天各倩青鸞到湘閣

風入松

上已後二日洗鉢池汎舟卽事同亦史山濤賦

蜻蛉小泊斷橋東人在櫓聲中水面殘霞飛不定春波靜  
暝翠玲瓏夾岸細桃斑竹半船淡月微風紗窗盡摘簾  
紋融心事暗惺忪小拂絲楊人語細春衫碧恰似新桐可  
惜小浯溪上明朝更與誰同

苦暑戲與客語

炎炎火鏡正燒空避暑苦無從客言安得匡廬瀑還移取  
華井秦松玉女盆邊吸露水仙祠畔餐風答言計總未  
爲工不若在軍中平驅十萬橫磨劍濤聲怒硬箭強弓惡

浪千堆蹙黑戰旗一片搖紅

納涼

當年結夏映層潭脫帽卸輕衫柳絲斜颺陰蓬捲釣檻外  
碧色微添橋背嫩涼瑟瑟村頭老樹毵毵水天閒話對  
誰談城市我何堪采菱放鴨江鄉伴無人問老子溪南浮  
世飛鴻雪爪故山亂葉茅庵

寒鴉

欹斜嬾漫徧燕關僵冷甚袁安誰將水墨濛濛畫做邊城  
一抹荒寒小日曾藏柳葉前身慣上釵鬟無端誤點早  
朝班髣髴認龍顏六官怕有人爭妬帶昭陽日影飛還惆  
悵舊遊何處孤村流水之間

迎陵詞全集卷八終

一林葉裏小日會...  
 露筋祠下寒蓬森森去何之停橈一問靈旗悵悵千年古  
 廟陳蹟幾人悲只風前燕子雨後棠梨 俯仰歎歎憑弔  
 處更憐誰惟有淮陰漂母一樣蛾眉估船爭泊問何人拂  
 蘇一題詩依稀見玉佩珠衣  
 婆羅門引  
 題露筋祠  
 蕭山毛奇齡大可 弟 維岳緯雲 宗石子萬 參閱  
 興化吳元萊北海 選 男履端 姪賜薛 校  
 慈谿姜宸英西溟  
 黃岡杜濬于皇  
 宜興陳維崧其年著  
 迎陵詞全集卷九

宜興陳維崧其年著  
 黃岡杜濬于皇  
 蕭山毛奇齡大可 弟 維岳緯雲 宗石子萬 參閱  
 興化吳元萊北海 選 男履端 姪賜薛 校  
 慈谿姜宸英西溟  
 婆羅門引  
 題露筋祠  
 露筋祠下寒蓬森森去何之停橈一問靈旗悵悵千年古  
 廟陳蹟幾人悲只風前燕子雨後棠梨 俯仰歎歎憑弔  
 處更憐誰惟有淮陰漂母一樣蛾眉估船爭泊問何人拂  
 蘇一題詩依稀見玉佩珠衣

香櫟

晚風千顆纍纍繞與書簷平  
綻來剛趁秋晴怪底勺圓如  
許青女手搓成乍迴廊小摘冷韻旋生  
冰蕊翠罌壓疊在小紅檠弄影夕陽黃  
處檀暈偏明空香如雨最宜人昨夜恰  
微醒何須數西嶼霜橙

荔枝香

早春校香嚴詞竟寄孫無言於揚州

雨後春梅初浣開篋行試取紅杏尙書小  
令閑編纂幾番拍徧新詞絕調千秋罕翻  
惹欵欵輕塵書梁滿書寫竟正江上楚山  
晚鴨綠粼粼笑倩雙魚寄遠到及廣陵明  
月橋頭夜簫煖早付竹西歌管

拍闌干

過蝶庵書事

沉吟檻外分明有箇人兒在隔着軟簾聞  
細欵轉過屏間做就生疎態夜來曾否春  
醒害底事無言只撚筇篔帶曉寒伴脫紅  
綿耐檢出香詞細覓檀奴解嗔人暗把風  
情賣嚼爛花箋碎向粉牆拋灑

祝英臺近

咏橘

水濛濛烟嫋嫋紅遍江南樹小陸懷中數  
顆偏憐汝笑他梅子心酸蓮兒心苦都讓  
爾甘芳如許增悽楚記得解橘春纖指冷  
偎人處一別吳娘往事渾無據自從那日  
傳柑幾番元夜總則是淚珠如雨

元夕後一日同雪持京少飲雲臣齋頭

軟簾垂孤館悄燈燼穗還鞞纔過元宵便有嫩陰做幸值  
俊侶嬉春狂朋選夜摒擋得心情較妥 斟紅糯醉後多  
恐塵寰無計容畱我小海傳聞種露桃千顆與君擲笛宮  
墻掃花洞府剪幾闕霓裳偷和

善權寺相傳爲祝英臺舊宅寺後一臺云其讀書  
處也壁間舊有谷令君一詞春日與雲臣遠公  
披蘇讀之共和其韻

傍東風尋舊事愁臉界紅筋任是年深也有繫人處可憐  
黃土苔封綠羅裙隻只一縷春魂拋與 爲他慮還慮化  
蝶歸來應同鶴能語贏得無聊呆把斷垣覷那堪古寺鶯  
啼亂山花落惆悵煞臺空人去

舟夜聞簫

水烟昏塘月午欸乃亂更鼓颯杳空橋浪急打楓樹恰逢  
羈客停船誰家樓上忽飄墮簫聲一縷 淚如雨對此萬  
里清光舊家在何處人世何聲更似此凄苦依稀記宿江  
州蘆汀蓼渚有十萬夜猿齊語

題季柔木小影兼誌別懷

紅鞞韜紫羅囊小縛黃皮袴快馬健兒裝急憑君作更聞  
歷落啾啾交游然諾依稀是君家之布 歲行暮可憐雪  
浪烟帆來朝趁人渡呵手敲冰爲君一題句他年展軸哦  
詩懷人顧影好頻寄江東魚素

糊窗

臬署作

研光箋白地錦糊就幾楞雪玉淨珠融不怕沍寒剜虧他  
貯旭娛冬畱香伴夜惹月練和烟縈纈 寸心折那得降

啞鶯穿漏箇針尖缺歸夢徜徉免被瑣窗截翻思故國茅  
簷殘缸擁背聽敗紙戰乾風葉

春游偶憇靜山禪院

隔溪村臨水店行處誤偏好趁寺尋鐘鐘響冷於瀑粉梅  
纔綻些兒被誰烘坼筭晴色朝來逾峭亂帆香一半消  
入烟中空潭劇幽窅小憇經房無言只微笑此時正定吟  
魂浦禽多事又踏折一枝烟篠

維摩天女恰同叅爲閻牛叟賦

牛叟兌閻意傲日  
妻屢勸子叅訪耆

宿究向上一着而以鈍根  
未果近慚龐媪遠負萊妻

水精簾翡翠鎖不許俗塵沈繡罷鴛摩窗畔茜絨唾分明  
簷蔔林香楞伽寺靜只多了阿奴旁坐歸去可好趁水  
月潮音早上雪山座怪煞蕭郎彈指景光錯請伊試看人

間開花浪朵總一霎笛聲吹破

送陸雲士之任邳縣

雁頭箏龍尾撥曾記殢儂處轉眼書旗嫋嫋引君去遙知  
小陸風流來春縣裡種紫艷紅香無數邳縣路森森晚  
渡秋山我昔作行旅一髮中原風起濁河怒君經洛水平  
橋陸渾小店定和我解壻題句

杞梁妻祠下作

在齊河縣  
長城舖

書旗飄靈幄捲彩翠剝如雨玉貌明粧隱隱怨蛾聚可憐  
枳殼花開凝丹點絳盡千載啼斑偷注黯凝佇滿壁水  
墨全昏猶把斷腸譜繡帔尼師指點向廊柱怪他哭後長  
城崩餘粉堞忒畫得周遭如許

壁上畫杞梁遺事  
一帶長城歷歷

四園竹

題西陵陸蓋思繞屋梅花圖像

西陵高士小隱段橋東十年酒聖半世詩顛千古文雄銅  
將軍麴道士楮先生者三君踪跡時同屋如蜂屋頭無  
數冷香籬門都浸其中鎮日和烟和雨點點欹斜片片朦  
朧杯在手長側帽林間一笛風

龔節孫臥疾東郊秋日過訪用片玉詞韻

山光水態濃淡上烟扉菊搖暗壁蛩語壞廊人臥蕭幃停  
碧簫歇翠竿檀奴嬾况小窗風月應知漫妻其牀頭尚  
有龍泉從君且訂交期戲作藥名艷體閒檢方書寫上香  
辭臨欲去日影矧茶烟颺漸稀

撲蝴蝶

詠蝶

一生踪跡總在花深處幾番消受小院紅樓午粘來珠幌  
如癡落上繡裙成雨有人記會暗結同心苣如今重到  
依稀不認他門戶滿園野菜領游蜂三五惹殘流水難憑  
舞徧微風莫主賺人一天花絮

側犯

奚蘇嶺先生書來訊我近况詞以奉柬

罷官不樂書簾暮卷空江雨無緒憶罨畫溪頭有人住堵  
前灌莽合屋後亂梅古傳語問彊飯還能著書否使君  
足下別後難行路嗟帶甲滿乾坤只有儒生誤昨已廢書  
行將學賈市上屠牛山中射虎

百花洲訪南水上人

閒尋茂苑摘船碾徧琉璃滑明滅望半畝精廬隱林樾空

香粘茗粥野翠連巾拂幽絕想夜夜經臺浸秋月 吳官  
似夢往事和誰說舊時節記盈盈水面蓮歌徹幾陣西風  
繁華吹歇滿江紅蓼一圓黃蝶

送入我門來

同龔仲震小飲高汝敬紅梅花下

高係忠憲公孫所居即忠憲祠

松漱微波山鋪暝翠軟風吹得帆斜柴門將掩步履詣君  
家靈均祠畔多香草總變做孤山樹樹花 小縷紅糟鷄  
跖選花陰碧燈弄酒拈茶况有良朋憑醉作生涯明朝搖  
櫓入城去約仍過山窗聽暮鴉

寄書

香茗才情簪花模樣斜舒蜜色殘兒霜毫繞吮早已淚如  
絲楚天樓上湘娥倚奈湘雨湘烟十二時 說與天涯游

子近日懨懨春病生怕難支為趨雙魚無物寄相思真珠  
滴向紅綃滿怕綃滑珠圓難寄伊

一叢花

咏白丁香同遠公天石和原白韻

一枝低亞晚粧臺吸露沁蘭胎李花柳絮都難似染梨雲  
一色新裁白粉牆邊水明樓上動竊玉情懷 纍纍銀粟  
費安排爭趁月中開曾經打就心頭結相看處瓜瓜疑猜  
記得重門和他小摘此事十年來

楊梅

江城初泊洞庭船顆顆販勺圓朱櫻素奈都相遜家鄉在  
消夏灣前兩崦蒙茸半湖羃歷籠重一帆偏 買來恰趁  
晚涼天水井小亭軒粧餘浴罷春纖濕粉裙上幾點紅鮮

莫是明朝有人低問羞暈轉嫣然

閏三月三日竹逸齋頭看紫牡丹記前月修禊虞

山故前半闕及之

琴川前月記幽探艇子漾柔藍冶游恰值人修禊風光在  
碧嶂紅潭街上飴簫山邊薺菜春色上春衫 今朝魏紫  
放晴簷麗景十分添一年最好惟三月誰頻見兩度重三  
花好逢王春濃遇閏樂事艷江南

玉女度千秋

新譜曲上四句傳言玉女  
下四句千秋歲後段同

壽吳母任孺人

八十稱觴齊仰裙笄尊宿如雲子姓捧鈿車歷碌春暉紫  
寸草巨室森喬木思往事青陵臺上歌黃鵠 歌罷燈寒  
母績還催兒讀兒已成名孫又饒蘭玉真妃來洞府天姥

樹醞醪願百歲滿裙常趁晴波綠

母以上已  
日設悅

過澗歌

暨陽秋城晚眺

壞堞頽關暮烟積悄乎無人祇聞江聲千尺混茫極恍見  
水仙海妾採月金鰲脊吾長嘯泉底恐驚織綉客 春申  
遺壘在古戍吹笳亂洲伐荻碎把闌干拍沙草無情不啻  
興亾朝朝暮暮西風只送巴船笛

顯德寺前看楓葉

嵐翠濃於草鞋夾繞坡細流淥潏暗通茗雪谷聲遯下落  
亂泉聲裡愀悄如相答此間景純得關仝巨然法 寺松  
三百本雨滴蒼皮霜彫黛甲禿榦爭欹壓笑語同遊黃葉  
鳴簷丹楓裏寺如何不荷埋身鋪

自蜀山至李墅一帶居民皆背山距河以陶爲業  
沙鳥清曠墟落邈然紀之以詞

夾岸斜橋界山側衰延陌阡人家柴門俱仄翠螺織奇者  
獅蹲象跛欲起還愁踏崖門破總被老苔壽藤蝕 居民  
燃楚竹散誕陶漁巖棲澗食帶雨閒搏埴陶侃甃前畢卓  
甕頭窰烟四起陣雲一朵壓城黑

側犯 第二體

真娘墓和扶荔詞韻

碧闌干外小墳一點衰桃駭淒咽剩綵袂飛灰化蝴蝶靈  
旗飄復偃社火明還滅芳骨約西子吳天詎潭月 三生  
事五更風陣陣錫簫歇耳邊怯怕枝頭又到啼紅鳩昨夜  
聽歌石塲如雪夜臺猶卸玉簪偷節

紅林擒近

咏佛手柑

芳樹來甌越名同吳下柑風調軼橙橘芳華擅閨襜玉人  
夜涼酒醒怪底薰透紅衫此際寶鴨休添香氣十分霑  
月底偏濯濯枕畔故摻摻佳人笑說雪山花瓣曾拈自塵  
情未斷佛猶如此合掌長思伴玉纖

人日雪中作

千斛玉塵暗萬家水館開海素障窗榻絕霜凍粧臺扶將  
銀人上勝染取白燕搖釵獻歲七日剛纔偏砌就瑤街  
阻絕挑菜侶愁極踏青鞋何時出郭春晴好散春懷待傳  
柑過了賣餠節近湔裙准傍溪水涯

大鴻有西河之感作此代唁

大鴻次子無逸  
沒於嶺南幕中

黃鸝沉香浦綠犀惶恐灘山郡荔枝葉驛樓鷓鴣斑鬱孤  
臺高一去瓊島水澗難還金齒細屐花間茜血灑紅蠻  
黎女雙袖淚梅嶠百重關檳榔椰子枉勞贈自珠官悵花  
田草滿海天月出小籠失却金尾鵬

小鎮西

臬署夜坐聽前庭演劇似是邯鄲巡河一齣追憶  
東臬舊事感賦此詞

小颺夜笛風碎珠十斛歌絲裊檻花輕簌此何曲翠陰陰  
尋去如塵想處疑烟一庭幽瀑滿場哀玉 逗紗麈漸循  
聲細認是邯鄲曲年時景暗中潛觸瘦蛾感悵零簫剩管  
耳邊又續筭來人世偏有黃梁難熟

皂羅特髻

憇慶雲庵方丈後小軒

山風幾斛吹萬笏晴螺寺前堆積陰陰竹院與塵寰都隔  
斜川外幾姓漁蠻携綠筇醉臥菱湖柵雨添濕翠怕晚來  
偏劇 小殿僧寮茗粥助玉川茶癖禪榻後三間茅閣恰  
面對九龍峯脊推窗驚叫怪龍鱗都裂

有有令

咏畫眉鳥

風柔日媚一盞小金籠繡簾深處墜紅苜同心結緊縮在  
東風裡最愁他點徑晴甍銜泥燕子往來容易 嬌影開  
臨淥水倩小玉摘相思子好把鴉兒打去休攪春宵睡隔  
花悄喚名字遠山卓氏錯認做畫眉郎至

最高樓

遊陵詩全集卷九  
九  
惠立堂  
登原白齋中露臺

闌干外森森暮雲平  
疊疊亂峯生  
六街燈火烟中沒  
萬家簾幙雪中晴  
好樓居吟不就  
書難成一弄  
一會桓伊天際  
笛  
一會稽康林下屐  
憐故國笑浮名  
典耐便擬驂鸞去  
酒狂乍可御風行  
俯塵寰青一點  
月三更

驀山溪

感舊

碧雲薄暮畫角誰家奏  
深院火熒熒好風輕翠幃微縞  
米輪徐上無語掩屏山  
金鈎瘦鮫綃透人在銀燈後  
年時小苑良夜曾携手  
低掃淡黃蛾漫垂垂  
玉人紅袖如今人去  
門巷也依然紅橋口  
香街右一帶青青柳

天穿節次葛魯卿韻

宋以正月廿三爲天穿節  
相傳女媧氏以是日補天

曉寒側側繡戶涼如水  
燈市火初收不十日春喧北里都  
城士女結隊踏天穿  
珠絡鼓畫樓旗漾在東風裡  
江南詞客生長烟花地  
可惜是穠春最難忘  
夢華遺事倚闌悵  
悵暗裏憶當年  
新雨後板橋西那處人家醉

東溪雨中修禊

蝸廬蟻國不醉公何補  
脫帽放狂歌自古說英雄無主携  
朋命酒船泊畫溪東  
挑薺菜焙新茶飽看浪花舞  
小村背郭蘸綠楊  
千縷春事漸飄零  
總付與數聲柔櫓  
今朝天氣何必定  
鮮新三月雨一湖風翻樣  
蘭亭譜

惠山泉亭看月

亂崖杏嶂肯放籃輿倦  
鳴咽夜泉吟石欄邊冷雲鋪滿携  
將一卷陸羽鬪茶經  
煎雪乳碾龍團憤向松風岸  
碧天

叫雁街鼓三更斷  
矯首盼冰輪  
心已共  
輓轡爭轉  
今宵桂影休墮  
織綃宮人更悄  
夜無聲  
恐惹魚龍怨

禩日感舊

悼遠公也

去年上巳正值春陰候  
千古艷蘭亭  
况歲是重逢  
癸丑濛濛烟艇小  
泊畫溪東  
林花溜溪花  
皺雨濕春衫袖  
今年上巳滿眼花如繡  
又到去年春  
只少箇人兒  
携手雖然無雨  
難道是晴天  
淋漓久非關酒  
依舊春衫透

虎丘送春夜同顧伊人天石留宿山中次伊人韻

風濤掀舞鞵鞞何曾住  
曠黑斷人行  
便著帽櫻鞋  
難去堂堂春盡  
含淚唱淋鈴  
鶯花數長亭  
路註定今宵雨  
夜方踰午  
投宿支公宇  
禪榻不成眠  
聽牆外曉鐘將度  
飄紅墜粉  
何限寺門情  
挑燈句凭闌  
語各有關心處

南礪山房作

朱扉碧檻壘石支墻罅  
曾記鎖東風  
誰輕到小簾櫳  
下如今世換  
松鬣枉拏雲  
人去久小樓空  
園裡梅俱嫁  
支頤太息此意誰知者  
眼底足悲歡  
休騁望秦臺  
漢瓦梅風醒  
夢何必訴興衰  
閒酌酒細垂琴  
自把高懷寫

新荷葉

采蓮

水郭開奩釀成一片湖  
光翠蓋亭亭扶他幾隊紅  
粧誰家女伴采蓮歌  
競下橫塘吹來笑語竟川霧  
鬢風裳日暮歸來畫船  
猶剩餘香此際水輪天邊  
又送新涼覓蓮得藕心兒  
苦隱隱商量今宵蓮子劈  
來生怕空房

本意

綠纈成帷江妃織手初初疊徧錢錢較花饒有清芬蓮舟  
出浦水雲寬碧到無痕嬌擎翠蓋彩鴛穩護腰身 風起  
青蘋纔低旋舉纈紛戲灑泉珠側盤瀉玉傾銀摘時須早  
怕秋來最不宜人後湖衰柳同他一樣消魂

新霽郊外紀游

日麗風柔水邊天氣鮮新聞坐斜橋數完幾折溪痕酒旗  
戲鼓怯餘寒未滿前村小紅乍乳鶯聲一巷纔勻 節過  
收燈風光尚未踰旬粉糝疎籬誰家香玉粼粼雛晴嫩霽  
似垂髫好女盈盈江南烟景婦人尤在初春

踰天長郭門里許修堤被渚高榆蔭街隔水一亭

日放生池菱荷沙鳥頗極幽映歇馬徘徊賦詞

寄興

席帽炎途長征事與心違歇馬溪橋拍波水鳥斜飛林臯  
幽逸涼如雨亂點人衣曲潭脩坂新荷短菱成圍 白板  
雙扉茶烟輕颺漁磯小店雛鶯江南景未全非被他重喚  
揚州夢往事依稀蜀岡凝黛迢迢送我難歸 天長爲初發  
揚州第一程

早梅芳近

咏玉蝶梅

整偏佳斜更好風格那能到粉牋欲賦除是多才李清照  
亭亭情意厚娉娉腰肢小正入春陰重白處粧樓曉 夢  
無憑愁不了從古江南道天寒日暮此意惟花堪共表文  
犀慵再掠金鴨羞輕抱燃梅花今年驛使杳

柳腰輕

贈妓和柳屯田韻

白家蠻柳絲絲軟織不盡鶯和燕釀雪輕陰填詞狎燕况  
遇曲中高選泥金襪蘸雨逾鮮墨花襦無風猶顫 誰耐  
鈿箏袞遍小立在紅橋窄板文鴛薄倖青娥憔悴鵲信沉  
吟都變偏今夜不肯畱儂聽門前暮鴉啼斷 未數語調  
蘭次兒也

千秋歲引

壽蘧庵先生七十

松作龍形棗如瓜大游戲神通復何礙當初搖鞭過韋杜  
而今泛宅來吳會鳳凰池麒麟閣抽身快 且喜墨離山  
潑黛且喜元宵燈尚賽萬事難消風月債茶鑪沸來同字  
煮酒旗挑處和愁賣四時花三弄笛身長在

拂霓裳

冬夜觀劇

釀寒天六街皓月盪成烟腰鼓鬧騰騰雨點打來圓銀燈  
籠暮靄鐵撥迸秋泉映嬋娟想後堂笑語總群仙 教坊  
絕藝一隊懷智龜年君不醉風光辜負十分妍醉餘偏惹  
恨歸去不成眠忽淒然悵桐花一樹翠簾前

瓜茉莉

月夜渡楊子江

淼淼江天聽中流笛響推篷看一川淒爽六朝遺蹟問風  
景幾曾無恙只隔岸建業城邊有商女深夜唱 一輪團  
月與船頭正相向越顯出萬層銀浪十年作客筭將來祇  
悲愴且渡江溷跡騎奴廝養學販畚兼鬻醬

茉莉

暑院追涼憶炎荒軼事蠻娘圃瓊天粉地任他開落極望

與籬花相似更帶暝  
紉雪成團沿坊叫喧夜市  
贛州船下到吳天  
伴羅綺相寵愛  
夜堂空翠而今離散判分携  
幾千里料幽花也怨月明如水  
海天冷那易睡

滿路花

荷珠

紅綃水面粧碧玉波間柄低迷扶翠蓋  
西風勁玉人搖櫓隔浦蓮歌  
競花面交相映戲取春纖掬他潭水芳冷  
灑來錯落盡向錢錢迸  
鮫珠圓又碎難持贈低鬟  
凝想總似檀郎性蕩漾  
何時定惆悵迴船碧天早挂明鏡

贈梵公

師住雲門工書畫時以選詩來荆溪

荷錢貼野塘竹粉粘晴砌  
師從何處到雲門寺零箋爛本  
點筆聊軒輊試將小語戲高岑  
王孟關卿定復何事平

山堂下鴻爪依稀記北印王與宋曾同醉

謂西樵翁裳兩先生

重逢

瓶拂頓下山陽淚更欲游何地  
他時念我巨然小幅須寄咏  
禹門寺前一帶頽崖峭石

嵌空撐戶牖鑿翠支堂與淙淙巖溜響  
喧銀瀑磽確豁鈇鐵色粘青嶠  
石笋攢丹竈積雪層水玲瓏原隰俱縞  
或爲怪鶻或作千年豹或似秋江岸晴  
龜曝林青日黑山畔歸樵少野火連  
天燒虎腥如雨瘦石此時更峭

迦陵詞全集卷九終

迦陵詞全集卷十

宜興陳維崧其年著

平湖陸 琳 鞞湖

海寧沈 珩 昭子

華亭彭開祐 椒崑 選

鄧州彭始奮 中郎

洞仙歌

咏慈仁寺古松壽紀伯紫

摩空翠鬣萬古知難老色作青銅雪霜飽似杜甫驚人馬  
 卿慢世二子者可以狀君兀冪 託根燕市側游戲支離  
 一笑風塵此鴻爪任絲管喧闐貂蟬赫奕更七姓鞭絲醉  
 裊只西風吼處作濤聲對鳳闕龍墀吾存吾傲

弟 維岳 緯雲

宗石子萬 叅閱

男履端

姪賜薛 校

過汜水縣虎牢關作

積鐵蒼然關勢臨崖倭嶄絕東京好門戶挽藤蘿月黑誰  
恐行人落葉捲聲似牢中哮虎無情惟洛水日夜東流  
不爲愁人帶愁去寂寞北邙山苦對西風排一派唐陵漢  
墓任弔古傷今已無人只霜打棠梨暗啼紅雨

偶過帖雲上人蘭若見其庭下紅梅盛開漫咏

傷春病酒日三竿貪睡睡起閒行巷南寺老僧烹活火碾  
罷龍團七椀後門外爛柯誰記暮看花朵上頰臉微烘  
似帶三分午前醉索笑漫沉吟莫是東隣茜釵上火珠初  
施只認做空門本無愁又誰信枝枝盡彈紅淚

善權洞

天風忽下劈破青紅繭夸父愚公費裁翦看千螺倒蘆萬

笏斜垂鋪碧蘚一屋閑雲自鍵玲瓏光上下一串銀房

偏借虛空絜層巖洞底洞還生下有泉鳴聲聲亂雲中鷄

犬只石怕春寒悄無人却走入墻陰化成雷篆善權寺內有雷書火篆

澹心園次梁汾問波靈本偶集寄暢園聽小溪度

曲坐有話水榭姬人近事者因并及

嫩晴天氣坐水明樓畔三疊泉聲訴幽怨霎然間山半冷  
翠飛來君莫去且掉銀船消遣玉鱗微動處紅綬雙啣  
隱隱歌絲逗簾幔半闌小秦王入破方纔珠千顆撒來成  
串又誰話當年杜秋娘覺雁柱添愁聲聲都換

西瓜

嫩瓢涼瓠正紅冰凝結紺唾霞膏鬪芳潔傍銀床牽動百

尺寒泉縹色映恍助玉壺寒徹 夜深呼碧玉同倚闌干  
月色荷香兩清絕笑問破瓜無此夜瓊漿須憐取寸心長  
熱見手攬金刀細沉吟悄不覺紅潮早堆肌雪

乞巧同蓮庵先生賦

碧雲耿耿見銀河低瀉人在針樓曝衣罷告天孫臣本屠  
釣江東疎拙甚願以蛛絲巧借 天孫含笑答見事卿遲  
大抵聰明讓聾啞試看古今來劉項孫曹都畱做殘編閒  
話只賜汝狂騃倍常年好爛醉高歌花天月夜

從楞伽上方塔後覓徑下坡過前村觀劇

晴峰亂矗似叢叢春筍貼向吳天翠無盡映澄湖幾幅純  
綠柔藍紛織處烟際漁榔隱隱 斷崖橫塔後捫葛攀蘿  
私路縈紆細如蚓村鼓正喧闐賽火成圍雜伶唱消魂院

本訝驀地風飄綠楊絲乍小露墻頭一群紅粉

題採芝圖爲顧卓侯賦

蒼皮黛鬣滴金膏丹溜下結千齡赤芝秀有先生杖挂長  
柄葫蘆籃子內百本木華紅繡 嗒然雲水興瓢笠隨身  
煉木餐霞老巖竇戲劇茯苓歸封寄軒轅雷文篆形如鳥  
獸笑多事商顏四先生同溺過儒寇一般皓首

途次曹縣

河流浩淼去粘天無岸白草黃沙古曹縣問居人誰是僮  
負羈妻誰惜我十載蓬科未轉 一鞭官渡口颯颯西風  
落炤昏鴉太零亂歎息舊繁華往事還非管井畔兔葵開  
徧訪昔日東平故侯家帳綉戟牙幢一時都換

前朝東平  
侯劉澤清  
故曹人

上已後五日游吳門觀音山

紅船綠浪雁翅排將徧早有香車俟春岸內家粧誰要小  
鳳簾垂和弱柳鬪取腰身纖軟 麝裙飄碧澄艷粉群群  
盡倚晴巒譜幽怨脉脉祝空王擲眼兒郎願歲歲幡前長  
見又語悄風微怕鶯知早杏臉潮生碎按花瓣

龍理侯納姬秦淮詞以贈之

銀床滑簟碧陰陰秋水昨夜簪頭喜珠纒青溪紅板艷  
粉濃蛾娘尤小第一南朝殊麗 江潮輕打槳船近樅陽  
恰恰喬公舊鄉里匿笑語檀奴斗帳櫻桃祝蜚蜴早添懷  
裡也不枉人間喚乘龍看紫貝霞綃海天無二

題喬石林舍人桃源圖小炤

漫郎單舸壓半溪寒玉流向秦人洞邊宿漸前村竹外一

兩三枝斜冪歷流水板橋茅屋 忽然奇絕處極望花枝

盡亞東風騁肌肉萬樹滴臙脂下映平坡都不許蘼蕪成  
綠也莫問花紅種田人只鷄犬桑麻迥離塵俗

證前生爲閻半叟賦

牛叟兌閻遺微日子生于閻  
故生平癖嗜尤在楓亭荔枝  
妻屢辦裝助予入閻炎  
荔以遠道途巡未果也

海山奇處綴晶丸千顆老客炎鄉儘還可恍瑤京仙子絳  
穀中單西風起一笑迴身欲墮 前因圖再訪爲帶雙栖  
欲上烟檣未曾果彈指綉屏空碧落離鸞先已在翠蓬山  
左拚不見今生荔支香怕見了添思玉人梳裏

催粧詞爲宋念功賦

念功彭  
氏婿

中朝樞府蠹紅墻翠瓦年少郎君况淹雅看今宵井絡不  
見天彭剛一笑已向人間下嫁 銅輿聲漸近百盞晶籠

映得天街不會夜尙有好心情欄角沉吟故意看西山嬌  
冶也不是蕭疎愛看山要選箇遙峯小眉邊畫

夏夜憺園隔水聞笛

燈青鳳脰正參差齊點屈戍玲瓏帶愁掩恰濛濛天水浸  
赤闌橋人不寐夢到空園偏麗 笛聲何處響乍有還無  
似在荷深那邊檻隔水倍清蒼竹脆絃輕更潭子鴨頭新  
染纔摹得風前不多聲又攔入伊州小秦王犯

戊申上元陰雨示楨百雲臣青際

春陰春雨把碧天偷換贏得情思凍雲嬾料高樓小市火  
樹銀花都不見有也無人尋玩 狂朋應似我手撚玉梅  
低歎心頭舊愁滿早曹騰孤睡笑逐鈿車人影亂拾得遺  
釵一半更燈炮鷄鳴夢回來空斜壓衾窩孜孜細看

十三句多

二  
字

黃鶴引

咏半繭園雙鶴

榴紅乍吐下有胎仙暗來去翛然映水梳翎琴心對舞珠  
衣雪舉凝想水天深處蓬山洞府會記得清涼無暑 一  
自謫塵凡幾徧傷羈旅幸逢水冽泉香此身有玉鶯啼燕  
乳啄破綺窗花午人間愁苦輕別了吹笙儔侶

秋夜月

蛟橋望月

月兒圓也趁金風舒皓彩碧空斜挂浸着兩溪玉浪一城  
霜瓦水樓上招紅袖許多妖冶閒話都笑蟾孤兔寡 橋  
頭月下記當年周子隱曾將虎射千古靈旗颯颯英姿堪

書到而今嗟滿目漁村蟹舍濤聲偏只共更聲打

蕙蘭芳引

咏木瓜花

綠水人家有一樹垂垂紅雪瘦影亞雕闌啼盡春禽百舌  
玉娥睡醒問何處麝蘭偷泄恰侍兒報道枝上名花纔結  
記得良人曾經漬粉去秋時節歎雖有好香不比此香  
清絕那知花朵一般芳冽愛清芬莫對傍人輕說

古詩云  
良人爲

漬木  
瓜粉

咏蘭

溪店寺橋映一帶銅峯蛾簇有黛葉離披露萼烟條齊轟  
參差鹿柴音此日給與幽芬千斛似佳人絕代零落今依草  
木數朶微含一枝乍秀淡淡如菊笑穠李天桃祇解尋

常粧束無言一笑嫣然空谷想采時無數裙腰都綠

洗鉢池中有贈

客裡無繆瞥見處繡簾斜軸恰暮雨瀟瀟低唱傷心人曲  
相逢却扇板橋西數枝春竹正籠中鸚鵡叫醒一窩紅玉  
携上吳裝一聲欸乃碧天如沐愛香藕花輕偏打向船  
窗簌簌嬌歌妙舞明眸曼睩記昨宵水色半城都綠

簇水

春雪

有影無聲小樓一夜堆瓊稷撒鹽絮舞遍天涯六出最  
愛輕鬆織軟雅稱紅闥客遮不住空青簾翼 春陰積怪  
此際曉寒何重圍紅獸偎窗隙樓前莫管一任騰騰瑟瑟  
且淪鮑家香茗雪水傾來白紅日照消入一池深碧

見古寺放生馬而歎之

回憶當年霜蹄刷盡幽并夜草頭一點猛氣削駑駘凡馬  
羸病誰歟牧養羈勒從寬假摩背癢秋陰墻罅血淚灑  
歎日暮群烏啄肉伏棧樞成悲咤西風夜響重叙起沙場  
話俛首沉吟烙印驀聽僧鐘打餘生也託象王臺下

舟過梁溪不及泊舟遙望龍峯有作

百幅晴漪漁舟箇箇能輕妙幾村紅樹將郭外人家縈抱  
歷歷葦花明處是水仙之廟正薰上一縷殘照 隔水嶠  
喜幾日金風弄霽做晚翠十分峭蒲帆似鳥翅競向秋空  
矯姑待伍塘游倦重與停吟權茶鑪沸錯認山園瀑

華胥引

咏走馬燈

烟中鎧仗影裡弓刀往來似織一片空明夾紗水墨描繡  
翼笑問何代兵爭更何朝方國滾徧街樓有人喧笑簾隙  
些子光陰恰一般星馳颺激寸人豆馬依然幡幢戛擊  
料想灰飛燭燼戰場方息頃刻收燈紅毡悶靠墻壁

促拍滿路花

秋日同南耕衣白魯望弟偶憇城南放生池

崢泓寂歷甚杳靄有無間城南多古寺得秋閒風廊石瀨  
竹篠更檀欒游鱗翻碧浪雪鬣銀鬢此中大可投竿 仗  
西風寄語南山窈窕好烟鬟如何偏不厭老僧看南山覆  
我君自喜塵寰倘肯經過密秀黛三升日應給與君餐

鶴冲天

題鄒生巽舍小像

像坐萬山梅花中  
一童子煮茶於側

寒崖綠染石竇低於甌極目總蕭林堆蒼艷更梅花作海  
綻香雪飄千點幽人巾自墊跌坐苔陰杳靄水明山店  
瑤翻碧灩澦底泉澄湛童子潑茶光連幽篔簹翠花蕘注茗  
花沸乳珠成紺風情何澹澹乍展吳綾迴味畧如橄欖

題錢葆初小像次原韻

吾鄉畫渚有個英雄處長想射蛟人空吟句如君饒逸氣  
偏不屑塵埃在沿溪尋釣侶昏曠江村一色壓銀欺苧  
君年未暮詎逐鷗已去宵半躍頰盤滄波煮踞船頭弄笛  
快劈作闌江雨涼颺添幾許響入鮫宮吹亂織綃機緒

步月

本意

小市門東板橋巷北暗中瞥見芳姿明眸膩臉夜靜漾簾

衣碧柳映幾層衫子紅蕖露一輛鞋兒斜靠著江梅一樹  
剛到半開時銅駝街又敞奈珠屏似水此恨誰知弄春  
纖香橙代解迴秋水羅帕親携歸去也一鈎春月水仙祠

玉人歌

楊枝今歲二十爲于齊統上作小詞

當日事記陌上青絲垂垂踈地拖烟蘸雨已解藏鴉未真  
珠簾額香毬墜做盡輕狂任意影濛濛紅日三竿白花十里  
水驛飄零子謝青眼相看縮人征騎露葉如啼直得消  
魂死如今漸長黃金穗不在長街裡羨畫樓有玉舞腰同

倚

八六子

楓隱寺感舊

弄絲楊重過廢館閒池頓起思量正髣髴紙鳶舊處依稀  
竹馬兒時巡簷繞墻 當年無限風光月照千山裙幄鶯  
啼一院糟牀漸舞榭成墳歌臺作寺松籬已老梅妻都嫁  
祇剩亂澗間騰颺鼯鼯矮坡斜下牛羊太蒼蒞疎林一坏夕  
陽

勸金船

茶花

綠紗窗底幽姿噴蹕白花盈寸玉娥小剪明羅暈遞顧渚  
佳信檀心暗感悄向膽瓶安頓最喜粧樓小撚偏解春困  
茶娘家與春山近雨過香成陣不知各處花尤俊好傍  
人蟬鬢懊惱滇茶長把紅芳相混誰似伊行素雅並沒脂  
粉

惜紅衣

苦熱兼懷村居水木之勝

悶欲憑虛狂思拔宅人間何窄朶朶奇雲殷紅盪深黑溪  
西故隱三萬頃湖天一色猶憶菱角蓮鬚滿塘西舍北  
蕭蕭波澤舊日漁船橋邊甚人摘年來鬧市永隔水雲國  
安得陽烏斂絳早喚夜蟾堆碧更試攀華頂剪取古堯時  
雪

石湖仙

題放庵上人紅豆詞卷

春愁天樣將紅豆詞吟愁歸天上紅板橋西帘颺最關情處板橋  
西楊柳岸青帘颺綠窗有人爭唱吟紅叫紫儘舞絮沾泥  
紅豆詞中佳句也無恙梅放把一樽簷際相賞 南朝許多烟景被啼鶯梳

乾柳浪千古興亡只抵斜陽片晌且趁疎狂朝眠碧嶂暮  
敲烏榜閒騁望一生着屐幾兩

魚遊春水

春陰閨思

盡日香閨悄纔緬額東風料峭可惜紅芳如此匆匆過了  
做暝遙天渾似墨妝陰野水愁難曉獨對菱花橫波森森  
惆悵更誰知道漫消受綠篝烟裊何日剪破層陰依然  
春好料得藁砧愁遠泊也無燈火來相照怪底今宵黃昏  
偏早

秋日過金魚池

韋曲光顏澹有半畝金塘漱灑一般紅鯉襯着綠波搖颭  
色分鳳闕丹初滴光映銀牆紅欲淡芳餌輕投穀紋微蘸  
尚隔金溝紫纜難望見官娥阿監輸他百子池中天香  
親染廢館何來簫鼓到空潭只被菰蒲糝獨對西風幾番  
傷感

萬紅友書來云適金沙周東會暨叙葵上人在舍  
可過郭外同看水色余以他事未赴作此柬之  
君家春磯嘴一點炊烟蘆荻裡渚花飛處綠到河邊樓子  
細雨賣魚聲掠村斜日焙茗人歸市塔爾捶琴兀然隱几  
報道今朝閒未好向晴川弄芳芷况來高士羊裘名僧  
麈尾那知有約長辜負自分無緣供驅使茫茫此愁畧如  
溪水

咏金魚

飛紅盈盈起跌下銅溝深半指一湖茜乳染就鯉魚猩尾

淺貯空明翡翠瓶小啜瀉潯桃花水感錦裁斑將霞漾綺  
粧閣臨流徙倚笑語紛紛垂楊淡來往破藻穿蘋披蘭  
拂芷似分醉靨素鱗上悞唾紅絨銀塘裡微風差差綠波  
瀾瀾

雪獅兒

新正五日雨窗東雲臣用程正伯韻

蘭啼未醒梅粧易困愁寒簾幙曾記年時春向玉釵頭落  
淺斟低謔正斜凭香肩瘦削紅篝爇任他小院猶兒吹惡  
今歲雨梳風掠更寒膠鈿盒塵封箏索欲壞上元勝裡  
春人早覺脂慵粉弱此意倩東皇憐着箋懇託須把層陰  
浣却

愁春未醒

春曉

鶯窺燕壘蝶上犀釘綃帳縈香雪夜珠和淚尚熒熒梳洗  
誰忺懶扶殘夢倚圍屏依稀記得宵來微雨曾撼金鈴  
綠水全昏紅閨半掩春困難醒風弄處釭花半朶小似晨  
星理夢窗前生憎鸚鵡隔簾聽畫樓深巷賣花聲到纔響  
還停

元夕後三日飲曹蓋臣宅適遇微雪用倚聲集中

韻

落燈風定舞絮天成聽沙沙雜雜簷聲滴亂酒床聲聞說  
南山小隊輕裘競射生是日聞諸公有南嶽之游吾儕無事且扶老懶  
共博春醒起望尊前林臯頓皓軒檻將盈恰蕭然四垂  
陰重六出花輕多少征人琵琶風雪醉龍庭問他何似疎

狂老子詩酒埋名

竹逸招同雲臣南耕雨中看梅余舟中既作離亭

燕一詞紀事歸見雲臣南耕竹逸詞復次韻一

首

蝶魂欲栩鶯啼猶舍尙是淺春候未容紅紫十分酣却喜  
君家玉娥笑倚兩三三判攜側帽徑乘短屐來過街南  
滿院橫斜一池清淺正壓雕簷儘消受一生花癖半世吟  
饑祇惜溪干畫橈斜閣面烟嵐花知欲別暗彈粉淚故泥

征衫

時予將  
往梁溪

城外丁香花盛開感賦

攀來尙隔望處偏清筍開到此花闌珊春已在長亭滴粉  
搓酥小紅墻角倍分明年年此際籠歸馬上遞徧春城

昨歲看花有人禿袖擘阮捱箏悵新來梁間燕去往事星  
星只有隣花依依不作路旁情夜深難睡續紛花影篩滿  
空庭

此先兄壬戌年四月十三日作也先兄卽于五月初七  
日捐館讀筭開到此花闌珊春已在長亭十二字竟成  
詞識宗石于己巳年捐俸授梓校閱之餘不禁聲淚俱  
下此闕已後廣陵散不復彈矣嗚呼痛哉四弟宗石謹  
誌于壚

善堂

第 35682 号

平成 3.11.22

聖和学	928
園短大	4
図書館	10

迦陵詞全集卷十終

迦陵詞全集卷十

三

尾上堂

學	學	學
學	學	學
學	學	學
學	學	學

遊園詩全集

周

